



Finansira Evropska unija



JAVNI POZIV ZA DOSTAVLJANJE PONUDA

TERMS OF REFERENCE (TOR)

Projektni zadatak:

Izrada kvalitativne Analize koja definiše pitanje potencijalne formalne (sistemske) saradnje institucija u BiH i organizacija civilnog društva (OCD) u kontekstu EU integracija



Finansira Evropska unija



- A. Pozicija:** Spoljni stručni saradnik za potrebe analize pitanja koja definišu formalizaciju saradnje institucija u BiH i OCD u kontekstu EU integracija;
- B. Mjesto rada:** Bosna i Hercegovina
- C. Projekat:** Resursni centar za bh. civilno društvo u procesu evropskih integracija BiH
- D. Referentni broj:** 2018/400-916-3
- E. Trajanje projekta:** 10.10.2018. – 9.10.2022.
- F. Trajanje zadatka:** Od dana potpisivanja ugovora do finalizacije analize

G. Pozadina

Centri civilnih Inicijativa i Agencija za saradnju, edukaciju i razvoj uz podršku Evropske unije sprovode projekat pod nazivom "Resursni centar za bh. civilno društvo u procesu evropskih integracija BiH".

Glavni cilj projekta je doprinijeti povećanju angažmana organizacija civilnog društva u BiH u procesima odlučivanja, posebno u pogledu evropskih integracija BiH, a koji će se postići na sljedeće načine: (a) jačanjem kapaciteta OCD (uključujući i aktiviste) da postanu kompetentni, samostalni i prepoznati sektorski akteri u predstojećem procesu pregovora između BiH i EU, (b) unapređenju institucionalnog okvira u BiH kao katalizatora razvoja OCD i efektivne saradnje sa institucijama u BiH i (c) jačanje zamajca reformi usmjerenih na integraciju BiH u EU.

Sa tim u vezi, CCI traži eksternog saradnika (nezavisni ekspert – istraživač/analitičar, u oblastima za koje je potrebno napraviti analizu), koji ima dokazana iskustva, kapacitet i znanja za izradu tražene analize.

H. Svrha izrade pomenute analize

Bosna i Hercegovina je tokom posljednje dvije godine zemlja koja je vrlo malo ili gotovo nikako napredovala u procesu ispunjenja kriterijuma koji su neophodni za dobijanje kandidatskog statusa za članstvo u Evropsku uniju (EU). Većina pitanja su ostala neriješena, napredak u reformama je limitiran, a zakonodavna i izvršna vlast su imale "slab učinak zbog političke polarizacije i poremećaja uzrokovanih pandemijom" – generalna je poruka izvještaja EU o napretku, objavljenom u oktobru 2021. godine.

U ovakvom okruženju organizacije civilnog društva ostali su taoci netransparentnih i neodgovornih politika u BiH, bez jedinstvenog diskursa i jasne vizije o najboljem mehanizmu saradnje sa institucijama vlasti kako bi u domenu građanske dužnosti i svojih misija odgovorile na aktuelnu krizu i pomogle vlastima i građanima da se "odmrznu" koraci na putu evropskih integracija.

Preliminarna istraživanja pokazuju kako je saradnja OCD-a i institucija vlasti u kontekstu EU integracija formalizovana na različite načine u zemljama okruženja, ali nedostaju podaci o tome koje su najveće prednosti i mane takvih pristupa – i kakve su posljedice (trenutno stanje). Analiza treba da pruži egzaktno pokazatelje o prednostima i manama ovih pristupa, uzimajući u obzir i stavove organizacija iz zemalja okruženja, a po mogućnosti reflektovati se i na neke druge prakse iz pretpristupnog perioda sadašnjih zemalja EU (Slovačka, Irska...).



Finansira Evropska unija



Težnja je da ova analiza bude temelj za daljnji razvoj javnih kampanja, da pruži sažet pregled, sa zaključcima i preporukama kojima će se civilno društvo voditi u cilju uspostave najpovoljnijeg za BiH mehanizma saradnje institucija vlasti i OCD-a - u kontekstu EU integracija.

Najoptimalnije usaglašeno rješenje koje pruži analiza (zaključci i preporuka analize, inputi predstavnika vlasti, akademske zajednice, privrednika, te drugih OCD), biće pretočeno u dokument „Mehanizam saradnje institucija i OCD-a u kontekstu EU integracija u BiH“, a usaglašavano u širem krugu OCD i najodgovornijih institucija vlasti u BiH, u kontekstu evropskih integracija (Kolegij za Evropske integracije Mehanizma koordinacije u BiH, predsjednik Vijeća ministara, entitetski i kantonalni premijeri, gradonačelnik Brčkog, direktor DEI i drugi).

S obzirom da je 2022. godina i izborna godina (Opšti izbori u BiH) zaključci i preporuke ove analize mogu i trebaju biti važan segment predizbornih političkih platformi, kao i post izbornih programa izbornih pobjednika.

I. Odgovornost kreatora analize i očekivani rezultati (isporuke)

➤ **Izrada kvalitativne Analize koja definiše pitanje formalizacije saradnje bh. institucija i OCDa u kontekstu EU integracija;**

Analiza regulative i praksi po pitanju formalizacije saradnje bh. institucija i OCDa u kontekstu EU integracija (dokument u integralnom obliku). Ulazna istraživanja pokazuju kako je saradnja OCDa i institucija vlasti u kontekstu EU integracija formalizovana na različite načine u zemljama okruženja (Crna Gora, Makedonija, Hrvatska, Srbija). Ova analiza treba da odgovori na pitanja najvećih prednosti i nedostatak (posljedica) uočenih različitih pristupa (primjera radi, u Srbiji je uspostavljen tzv. „Nacionalni konvent za Evropskoj uniji¹“). Od Ugovarača se očekuje da tražena kvalitativno-uporedna analiza pruži egzaktne pokazatelje o prednostima i manama ovih pristupa (regulative i praksi), uzimajući u obzir i stavove OCD iz zemalja okruženja (stepen zadovoljstva saradnjom), a poželjno se reflektovati i na neke druge prakse iz pretpripravnog perioda sadašnjih zemalja EU (Slovačka, Irska...). Istovremeno, analiza treba uzeti u obzir i trenutne mogućnosti saradnje OCD i institucija vlasti u BiH, u kontekstu relevantnih dokumenata kao što je “Sporazum o saradnji VM i NVO u BiH iz 2017. godine”, Odluka o sistemu koordinacije procesa EU integracija u Bosni i Hercegovini (mehanizma koordinacije), isl – takođe govoreći o prednostima i nedostacima ovakvih oblika saradnje, u poređenju sa regulativom zemalja okruženja i/ili šire.

Napomena: Ohrabruje se obrada svih pitanja koja su relevantna za ovu tematiku, a kako bi se u konačnici došlo do što kvalitetnijih zaključaka Analize, iskoristivih za unaprijeđenje stanja u BiH. Sa tim u vezi analiza bi trebala da na samom početku definiše do sada uočene anomalije u BiH koje su kočile kvalitetniju i sistematičniju saradnju OCD i vlasti u kontekstu evropskih integracija, ako u obzir uzme pretpostavka o zajedničkom interesu za bolju budućnost i životni standard u okvirima Evropske unije.

➤ **Policy brief** – Rezime analize sa prijedlogom intervencija u regulativi u BiH, pravilima, normama i praksama, a pozivajući se na norme i dobre prakse (zemlja okruženja i/ili EU);

Rezime treba da posluži kao temelj za izradu policy dokumenta specifičnog za BiH – tzv. “mehanizma saradnje između institucija i OCDa u BiH u kontekstu pregovora sa EU”.

¹ <https://eukonvent.org/>



Finansira Evropska unija



- **Učešće na tematskim konferencijama** – Po potrebi, Ugovarač će učestvovati na tematskoj konferenciji(ama) koje će Resursni centar organizovati u cilju predstavljanja rezultata analize široj javnosti u BiH.

J. Korisnici kojima je namijenjeno ovo istraživanje

Analiza se provodi za potrebe sagledavanja faktičkog stanja, ali prije svega za potrebe sagledavanja mogućnosti i preporuka kojima će se kroz proces javnog zagovaranja nastojati unaprijediti i sistematizovati saradnja šireg kruga OCD i vlasti u cilju razvoja partnerske saradnje na putu evropskih integracija Bosne i Hercegovine. U prvom koraku sa sadržajem analize (ili dijelom sadržaja) će biti upoznati predstavnici ključnih stakeholdera (predsjedavajući Vijeća ministara, entitetski i kantonalni premijeri, gradonačelnik Brčkog, predsjednici skupština, direktor DEI, kao i OCD, akademska zajednica, mediji...). Dodatno, sažetak analize (policy brief), kao i drugi ekstrakti iz analize, biće predstavljeni široj javnosti u BiH.

K. Autorska prava

Sadržaj informacija dobijenih tokom radnog odnosa podliježe zaštiti i u vlasništvu je Centara civilnih inicijativa. Treća lica ga ne smiju koristiti u cijelosti ili djelomično bez saglasnosti vlasnika. Upotreba informacija je moguća i opravdana samo ako jeste dio aktivnosti projekta Resursni centar.

L. Organizaciona razmatranja

Ugovarač će raditi pod direktnom supervizijom projekt menadžera. Ugovarač će pripremiti analizu u skladu sa obimom zadatka i dogovorom sa menadžerom projekta. Analiza će biti urađena na lokalnom jeziku.

K. Vremenski plan, vrijednost ponude i uslovi plaćanja

Objava javnog poziva	CCI	04.03.2022.
Zatvaranje javnog poziva	CCI	03.04.2022.
Odabir ponuđača	CCI / EU	07.04.2022.

Uslovi plaćanja:

Cijena treba da je data u KM, bez PDV-a. **Maksimalni budžet za uslugu je 5.900 KM (bruto)**. Ovaj TOR će biti sastavni dio Ugovora, u kom će se precizirati finalno ugovorena novčanu vrijednost angažmana. Ugovarač može zahtijevati avans u iznosu do 20% ponude za pokrivanje troškova koji mogu nastati za potrebe realizacije sastanaka sa izabranim predstavnicima i OCD, a sve u cilju prikupljanja relevantnih podataka i unaprijeđenja kvaliteta sadržaja analize. Ostalih 80% uplate ili konačne uplate će biti realizovano nakon odobrenja finalne analize (integralni dio), i pripadajućeg Policy brief.

M. Profesionalne kvalifikacije aplikanta, radno iskustvo i vještine

Kvalifikacije konsultanta

M.1. Obrazovanje

- Minimalno viša stručna sprema

M.2. Radno iskustvo i vještine



Finansira Evropska unija



- Autentično lično iskustvo u praktičnom radu u oblasti istraživanja i analiza javnih politika, a najvažnije, morao bi biti dobar poznavalac konteksta i problematike u BiH u vezi sa procesom evropskih integracija u BiH i uključenosti OCD u taj proces;
- Dokumentovano iskustvo u radu u ovoj oblasti;
- Sposobnost rada u timu;
- Izvrsne komunikacione vještine;

N. Način apliciranja

Ponuđač obavezan da ponudu dostavi najkasnije do 03.04.2022. (16 časova) putem pošte ili lično na adresu: Centar civilnih inicijativa, Meše Selimovića 14, 78000 Banja Luka, BiH, sa naznakom: Prijava na POZIV ZA PRUŽAOCE USLUGA IZRADE ANALIZE.

Ponuda treba da sadrži:

- CV ponuđača - dokazi o ispunjenju zahteva pod M, kvalifikacije i radno iskustvo;
- Taksativni pregled segmenata (tematskih cjelina) koje će analiza uobziriti;
- Finansijska ponuda.